

Simpatizantenan di MEP a suta uno di MPA manda hospital

Campaña sushi di MEP a cuminsa cu e prome victima den hospital



ORANJESTAD (AAN): Ora cu bo tende MEP bisa cu nan no kier forma parti di e comision di bon voluntad, tur hende por saca nan conclusion mesora kico ta e motibo.

Ayera e prome victima di agresion politico a cay ora cu algun simpatizante di MEP a agredi e persona aki di tal forma cu awe e ta interna den hospital.

Tabata den oranan di atardi cu un grupo di campañadornan di MPA a sali den un caravana mescos cu cualkier otro partido politico den campaña, pa asina core den un of otro caya di Aruba.

Na altura di un cede politico di MEP na Savaneta e grupo di brommer y auto di e caravana di MPA a pasa y tabata tin manera un draaimento y spinmento di tire riba caminda.

Aki un chofer cu su pickup color blanco tur dorna na geel a bin cu velocidad halto y kier a subi caminda mandando su

pickup riba e grupo di brommer.

Nan a cuminsa grite y te hasta a bati riba su hood indicando cu e tabata basta cerca di e brommernan.

E chofer aki a baha y dal un di e motociclistanan un canti man den cara.

Polis a ser manda mesora na Savaneta, pero na yegada cos a calma.

Asina e caravana di MPA a sigui su ruta unda den

Bernhard straat na altura di Springfield supermarket e chofer di e pickup dorna na MEP a pasa buscando problema.

For di un of mas hanchi tin obhetonan cu a ser manda riba e pickup cual su windshield a keda destrui.

E chofer di e pickup campañando pa MEP a perde cabez y cuminsa spin e auto y mande na varios ocasion riba un auto di un simpatizante di MPA.

Si esey no ta basta algun simpatizante di MEP a cuminsa agredi e simpatizante di MPA lagando e persona aki mal herida.

Tabata un locura na e sitio unda segun testigonan esnan di MEP tabata manera hende desespera.

Asina tambe polisnan di San Nicolas, Visibility Team San Nicolas, tres patruya di Oranjestad, dos di Santa Cruz y tambe uno di Noord a ser manda cu maximo urgencia



na e sitio.

Na yegada a pidi pa ambulans tambe.

E persona agredi a ser hiba hospital unda el a keda interna mientras cu esnan di MEP a bay warda di San Nicolas pa asina duna un keho na recherche.

Despues recherche mes a

bay na hospital pa papia cu e victima.

Laga nos spera cu esaki ta e ultimo caso registra tambe prome cu eleccion pasobra si tur hende cuminsa bringa cu otro e eleccion aki lo bira uno sushi sigur y ningun hende kier ta victima.

TELEFONNAN DI DIARIO
582-6747- FAX 582-8551

SANGER TA KEDA SANGER!!



Las Americas

(Near Burger King)
Playa (Caya Grandi)
Tel: 582-1576



Sandalia / Slop
Antes Afl. 35,=
Awor Afl. 25,=